

都御史

貢士山陰人鄭汝鑛成遠東汝鑛以宦室養子據其資入監
賄吏割魁初二場卷馬顯忠者等第四人事露汝鑛名除時
議顯忠補額而五策非所出命貢選日如乙榜例顯忠竟抑
抑而死

壬申福建漳浦奸人劉志邁程可兆謀亂志邁故守備可兆
為邑諸生糾亡命千餘人于五月十八夜教場祭旗忽燈滅
明日舉事大風雨更二十五日分衆城內外相應部署已定
邑人李調梅以告知縣黃應舉閉城大索縛可兆入夜志邁

舉火城外不之應即遁

乙亥起王威提兵官鎮守延綏西路


丁丑設山東嶧縣萬家駟及召家庄巡檢司以洩河通也

癸未琉球入貢

丙戌提督陝西兵部尚書少傅兼太子太師李汶九年考滿
進少師

虜犯鎮羗古城等堡大松山都指揮王從諫涼州副提兵柴
國柱等擊走之斬二十餘級

甲午提督薊遼塞達報東西二虜約長昂內犯命備之



乙未以朱賡言釋御史曹學程獄戍于湖廣寧遠衛

前荊州知府倪涑為瓊州知府吏部楊時喬薦其才品也涑
初令安福有劉臺之獄不附權貴謫山東 照磨後官南

兵部郎中更定船政改僉差為雇役南京人甚德之

己亥前南吏部尚書趙賢卒字 河南汝州人嘉靖丙辰

進士授戶部主事歷郎中出守順德移荊州累遷右僉都御


史巡撫湖廣移山東以才著第附張居正起遼王之獄終以

張氏奪官後覃恩復原官致仕

甲辰擺吉太等千騎犯邊官兵拒斬四十四級

乙巳故南兵部周世選故南工部尚書范崙各贈太子少保
予祭葬


丙午初搃督川貴王象乾論水西安疆臣仇害五司兵科右
給事中呂邦耀因劾貴州巡撫郭子章受其財長惡至是子
章言安楊八百年之交欲驟移之甚難惟威怵利餌可得其
要領檄諭再三又遺古劍軟血為盟乃自疏討應龍明旨獎
勵尋安隴澄有大水田之捷疆臣有播州衛之焚又擒尚意
黃繼枝等又開路後國讓進官兵叙功疆臣兄弟母子各賞
金幣仍候勘地另加優異勘地界四年不決奉旨貴州納糧



七百餘石疆臣納千二百石地界仍舊今路苗紛起疆臣斬
獲六百餘級臣叙苗功并結播局不過仰遵明旨示信夷人
耳夫播州未破欲臣用安氏惟恐不速播州既破欲臣裁安
氏惟恐其疎臣既與盟不能復仇疆臣一孺子無他賜土司
仇殺自其常態若為蜀夷而仇黔為黔夷而仇蜀是以夷狡
而罷中國也求去甚力 上慰留之初播州宣慰使楊相子
烈逃水西死相以水湮天旺之地賂水西贖柩其券浸益紙
書之數年爭地券且朽爭端始此今楊氏密水西漢把羅學
茂負大木逃蜀詐疆臣侵地六百里蜀撫信之賁水西吐地

郭子章云歸水湮天旺于遵義餘安氏故土也蜀不聽疏于
朝屢罪疆臣子章奏地無可還而播州原輸貴州餉五百八
十石俾疆臣輸四川千二百五十石以息爭 上從之

朱國禎曰安疆臣倭順郭子章之命絕楊應龍進兵又讓
後屯信地以報成功即李化龍搃督亦許之有近地可撥
朝廷不愛惜之語及事平蜀閩齟齬黔中求多安氏賁輸
糧責獻印責擒叛俱如命可謂恭順之至矣乃蜀撫喬璧
星欲取安氏為功坐以侵地而喜功之革緣以為說馴至
以受賄棄地彈前督臣王象乾逐之此固別有所謂非因



妬功也

辛卯夜月犯畢宿

前刑部尚前董裕卒贈太子少保

十一月戊辰禮科給事中汪若霖言史職簡授宜精纂脩且重纂脩略曰大學士陳于陛請成正史條畫甚明奉旨編研業有端緒而于陛既沒同列害成遂使九重懿軌棄于半塗今諸橐臣篋尚可搜尋乞命閣臣開局舉遺不報

己巳長昂等萬騎犯山海關東八百里舖搃兵官姜顯謨卻之斬五級時稅監高淮聞之遽調兵自衛及虜退稱斬獲功

丙子命戶部考較省直錢糧

戊寅命宗人府歷經不許乞差

庚辰夜熒惑犯歲星


壬午裁旅順游擊改守備汰官兵六百餘人

癸未長昂復窺義院口尋遁

壬辰宣府蔚州地震

癸巳免河南鹿邑等三十四州縣田租

十二月乙未朔搃理惜薪司內監楊致中杖殺燕山右衛指揮事僉鄭光耀部科劾致中不報



戊戌建州衛都督都指揮速兒哈赤等貢先是減建人車價
禮部左侍郎李庭機代兵部減車價建人爭之久不貢李庭
機遣序班李維葵往詰之維葵勸諭仍補貢

壬寅南京大理寺卿劉麒終養

應

甲辰夜熒惑犯歲星

戊申延綏總兵官都督同知杜松薊鎮總兵官左都督尤繼
先互調時蹇達以繼先收夷丁過當也

壬子右春坊右庶子吳道南莊合天為少詹事兼侍讀學士
右諭德馮有經周如砥為右庶子兼侍讀左中允傅新德史


繼偕贊善林堯俞司業朱國楨沈淮為右諭德兼侍講編脩
湯賓尹孫慎行何宗彥顧秉謙陳之龍鄧士龍郭涓為右中
允兼編脩檢討蔣孟育趙用光劉一燝為右贊善兼檢討
南京妖人劉天緒就擒天緒永城人僑居臨淮稱無為教徒
與漸眾入南京私娶婦岳氏自號龍華帝主乘各官長至日
謁孝陵舉事而泄御史李雲鵠密捕岳兵部尚書孫鑛逮四
十九人張其伐諸臣擬磔七人餘棄市提督操江右僉都御
史丁賓署都察院奏磔斬各一人餘遣戍

庚申故南工部尚書葉夢熊贈少保

國權

萬曆三十四年

二十



壬戌皇次孫由樽生

湖廣襄城百寧岡地圻八十餘丈衡五六尺深不可測

國權

萬歷三十五年丁未

正月乙丑朔 上不朝

丁卯戶部尚書趙世卿攝計吏部左侍郎楊時喬佐之故事

主計正月既朔時喬方料理聞命暫格

已巳巡按陝西御史余懋衡劾稅監梁永且乞休不報懋衡

入秦再中毒皆得解拷庖人云梁永嗾之賂我

庚午署吏部左侍郎楊時喬辭印不許時外計兩日江浙事


國權

萬歷三十五年

一

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



福建事訖俄命趙世卿時喬跼踏請辭上謂昨誤發即追寢
之仍命時喬同左都御史詹沂考察時喬乃出
日暈女宿黑氣蔽天

辛未許王明輔襲祖爵永年伯楊明喬謂非例 上以特恩
不為例

吏科右給事中翁憲祥言撫按交代宜嚴部郎出差非體不
報時選官不下撫按交代或數年部曹俸深乞差出

癸酉夜月犯畢宿火星
丙子右庶子馮有經右諭德顧天峻李騰芳俱改左右諭德

翁正春為右庶子兼侍讀

己卯吏部大計降斥有差以貪論者五十六人

庚辰巡按四川御史孔貞一薦華陽貢士楊師心嘉靖甲子


鄉榜今年六十餘杜跡二十年内行淳備亦以姦節見稱

丙戌設保寧衮將波羅守備

癸巳勅諭天下朝覲官

壬辰廣渠門內監邢朝等苛索挺擊泰興知縣龍鐘死下獄
邢相等三人戍邊趙祿抵死

是月至六月土星逆行斗宿退留



福建泉州地震

二月甲午朔科道拾遺

長昂 總督挾賞總督塞達乞休不允

丙申命禮部右侍郎楊道賓黃汝良主禮闈詹事莊天合知貢舉

設貴州新添叅將

大學士朱賡任首輔方數月吏科給事中宋燾論之賡乞休不允

丁酉前太子太保吏部尚書李戴卒字 延津人隆慶戊

辰進士令興化擢戶科給事中累遷吏部典銓六年溫然長者不見岸異其居鄉尤有稱予祭葬贈少保

巳酉黃霧四塞


庚戌定科場磨勘申前割卷論罪凡試牘徹棘後給闈本生

甲寅西朝房火

乙卯易州神器庫火

禮部左侍郎李庭機請亟補講官不報自輟講以來講官依期日進講章庭機獨任久之去歲被言乞休輟章三閱月

丙戌故戶部左侍郎董堯封贈戶部尚書



戊午朱賡屢請補闕員又給事中汪若霖見攻乞休不允

辛酉刑科給事中周日庠請革九門之稅不報

李庭機以建州衛

久不貢遣序班李維葵往遼東

俾撫按詰之

三月甲子朔寬浙江織幣五運分作十運春秋起解

丁卯巡撫宣府馬鳴鑾為兵部右侍郎總督宣大山山西軍務

兼理糧餉

辛未薊鎮總兵官左都督尤繼先免蹇達論其收集降夷也

癸酉遂安伯陳璘為後軍都督府僉書懷寧侯梁世勳為右

軍都督府僉書

戊寅策貢士施鳳來等三百二人賜黃士俊等進士及第出身有差

巡撫江西許弘綱憂去不候代命服闋鐫一級調

巡按直隸御史楊廷筠薦華亭隱士陳繼儒文行

秦王誼濂庶長子存樞當嗣中尉屢求郡王許之不為例部科言非制不報


許黎維新襲安南都統使給銀印

叙甘肅擒虜功進朱賡少保戶部尚書武英殿大學士

國權

萬曆三十五年

四



癸未南兵部尚書

進太子太保

辛卯蠲河南裕州沈邱商邱永城夏邑舞陽葉縣上蔡西平
遂平等新租

李庭機乞休不允時推閣負御史李雲鵠先劾廷機媚嫉及
右侍郎黃汝良阿媚吏部右侍郎周應賓奸諂蓋廷機癸未
館師為沈一貫故人多疑之

命罷右中允陳之龍以御史宋燾論沈一貫姻黨也令回籍
聽覆

四月癸巳朔淮府載主嗣順昌王

乙未庶吉士王家植何如寵黃儒炳龔三益駱從宇為編脩
徐光啟彭凌霄劉士驥周炳謨錢象坤邱士毅陳士昌黃立
極王縉為檢討姚士慎江灝戴章甫為給事中李應魁鄧澄
唐之夔為御史


復宰賽市賞烏哈大得捧于閔外自長昂復貢而宰賽來款
執哈大得捧解新河之忿

雲南貢士楊提等新開牂牁故道改雲南駙自廣西府入貢
南自廣南徑抵田州入富川至三江口舟達南京陸達湖廣
其途寬坦足容九軌視貴州捷便三千里下部議終岐向不

國權

萬曆三十五年

五



決蓋貴州本羅思鬼國特以過滇一綫強名省會水西安氏力任郵傳若塞黔則普安以東便成荒撤即安氏世馴而四川馬湖之西建昌之南俱土司錯壤而居廣西之田州亦土官也其獷悍難制與水西等耳故議者謂仍黔之便

丁酉通州西倉火


蘭州夷目闞宗傳等攻掠永寧自奢世統世續二婦相仇世續匿印以私阿利朝命屬崇明都指揮張神武遂執世續則印在鎮雄土知府隴澄所也水西安堯臣光贊隴氏冒其姓往叙平播功皆出隴澄不知即堯臣也堯臣出印益據鎮雄

我未能問闞宗傳阿利等楚掠動稱鎮雄官怖各部攻永寧普市摩尼等于是摠兵官侯國弼巡撫喬璧星巡按孔貞一先後暴堯臣之罪

戊戌銀定歹責等二酋犯河西涼州副摠兵柴國柱破之斬百二十八級摠兵達雲副摠兵秉忠等又戰紅崖斬百三十九級

命陝西撫按速處韓府祿米以濟貧宗

兵部覆朝鮮通倭聽自為計時家康代秀吉為王反前政歸所發朝鮮王墓賊家康老矣故忌薩摩州而對馬島主義智



心急朝鮮恐一日失朝鮮援故金山對馬二島私款後三年

開市

壬子順義王捨力克死下素二酋未有定封邊臣遣問所屬五月己丑其妻忠順夫人乞依俺荅故事諭祭從之


瞿九思曰捨酋世受我王爵豈可不為厚幸乎何至假道迎佛遂佐火落赤大鈔我洮河之間此胡為者假令我執叛盟之罪復立其不他失禮捨酋殆哉狐狸埋之而狐搢之是無成功洮河之役几敗市事凜也願王善保封爵哉曲楊北岳廟樹自焚是日太原方山王府槐樹亦自焚

乙卯提督陝西三邊徐三畏言套虜與河東虜不同河東統于一歷三十年不渝然且有五路之警套虜分四十二支各相雄長卜失鬼寄名其上無馭衆才而西路火落赤狡甚要挾無厭鉄雷把鬼其翼也中路擺言太以父明安死恨我挾中國立廟給厚賞自十九年至今無歲不犯無歲不挾亦無歲不講終不受籠則套虜為同仇也東虜沙計強不如莊禿賴而莊禿賴智足馭其衆擺言太强過于切盡巡撫涂宗濬七月入鎮火落赤勾虜報怨宗濬以邊長千里同寇難禦于是因莊禿賴求市神木堡撫切盡乃成毋助火落赤而兩路

國權

萬歷三十五年

七



首內向七月終擺言太以三千騎入犯挫于保寧八月初火
落赤萬餘騎敗于安邊營九月沙計三千騎入犯又敗于長
樂于是首婦叩闕乞攢刀說等誓願許其自新章下兵部
壬戌京師雨雹

五月癸亥朔又雨雹

總督宣大諭順義王部落毋久駐青海時延綏巡撫周磐言
其部落打郎台等三百餘騎西迎佛從僧千餘欲屯青海不
復東向恐後益集連套虜為患 上是之然套虜日強東虜
迎僧自走甘肅外我不能禁

甲子禱雨

乙丑以劉天緒平告郊廟識者以細妖為褻

丙寅連標為右副都御史巡撫宣府

戊辰王國復為南太僕卿

庚午四川鞏昌黑霧經天

辛未減旅順防兵

諭釋輕囚


甲戌陝西西安鳳翔大雹

丁丑閣員會推于慎行趙世卿劉元震葉向高楊道賓李庭

國本

萬歷三十五年

八



機孫丕揚吏科都給事中陳治則嘗劾庭機難之兵科給事中宋一韓謂楊李俱宜罷請改推御史葉永盛請列上乚何刑科右給事中曹于汴及宋一韓工科右給事中王元翰兵科左給事中胡忻御史陳宗契各排庭機上不聽禮部右侍郎黃汝良不允以吏科都給事中陳治則議枚卜刺及之時晉江三人楊道賓李庭机黃汝良

甲申光祿寺左署丞范光裕送安南使臣之國

乙酉夜有星如丸自牛宿流東南行近濁

丁亥禮部尚書于慎行進太子太保南禮部右侍郎葉向高

禮部左侍郎李庭機並為禮部尚書兼東閣大學士直文淵閣又諭朱賡曰卿思舊輔王錫爵忠誠正直可濟時艱其召之同卿夾輔

己丑順義王忠順夫人求封提督馬鳴鑾巡撫霍鵬以聞


辛卯山西平陽槐樹自火

夜流星起牛宿

六月壬辰朔蘄州黃岡黃梅羅田多蛟壞田舍人畜亡美武昌

承天鄖陽岳州常德久旱入夏大雨漂沒數千家

乙未夜月犯土星在斗



甲辰合江地震延慶懷來等大水嚴州大水漂數千家

巡撫福建徐學聚罷


禮科左給事中孫善繼奏請罷選吉士定院額朱賡言其
不可

凱里宣撫司楊燧降長官司

前南吏部尚書曾同亨卒字子野江西吉水人嘉靖己未進
士授刑部主事正直不附嚴氏官轍所至人皆思之年七十
五予祭塋贈少保

閏六月壬戌朔盜入易門殺知縣楊成性

甲子前太子太保左都御史溫純卒字希文三原人嘉靖乙
丑進士令壽光擢兵科給事中劾大璫陳洪屢忤柄相出湖
廣叅議引疾去起河南叅政張居正當國不数月周歷諸卿
以太常忤去居正沒起大理卿進兵部左侍郎巡撫浙江躬
率節儉吏民遵服入戶部左侍郎憂去起南吏部尚書明年
入移工部終養戊戌摠憲嘗約諸臣請罷引稅釋罪臣下考
選伏闕泣良久 上怒問誰倡者對曰臣都史御溫純也
上色霽下旨慰籍妖書起力明郭正域主計斥錢夢熊辜忤
時去出處循理不激不隨蓋猶有王三原之風焉年 十



予祭墓贈少保

乙丑 東安大雨至七月己亥大水傷禾

丙寅朱賡以子敬循沒乞歸不許

大學士李廷機三辭不允趣之出

戊戌涼州副總兵柴國柱為總兵官鎮守陝西

癸酉大長寧公主薨

甲戌脩陝西 紅山市口鎮北臺城

許長昂復貢市火落赤擺言太沙計各如之

丙子封鄭王載堯世子翊鍾

己卯廣西左布政使曲遷為順天府尹工科都給事中夏喬

子陽為太常少卿行人王士楨為光祿寺丞檢討南師仲為

司業

庚辰李廷機以給事中王元翰胡忻論之求退不允

乙酉京師大雨至七月丙申不止地水三尺九遠如河滄溺

人畜亡美

丙戌廣西左布政使蔡應祥為右副都御史巡撫廣西太常


少卿張問達為右僉都御史巡撫湖廣太常寺卿衛承芳為

右副都御史巡撫江西

國權

萬歷三十五年

十一



丁亥大理左少卿錢夢得為太僕卿

己丑諭廷臣曰昨枚卜閣臣會疏請自上裁有何密囑而給事中王元翰胡忻叟之求勝不已疑君誣人莫此為甚罰俸半年于是李庭機請寬二臣不聽而攻庭機者未息也

設遷曰晉江礮之蔽終始不渝上素重其人冀以磨

厲汚俗昔毛孝先崔季珪用魏貴清素之士時皆變易車

服以求名楊綰拜相朝貴聞之減駟損聲伎惟晉江有

從

昔人之風味而異議滋起人情不古指夷齊為共驩更何

望乎

七月辛卯朔摠督漕運李三才請補大僚選科道用廢棄其論

廢棄曰諸臣祇以謏論意見一觸當路遂永斥不收總之于

主上無忤今乃假主威以錮諸臣又惜忤主之名以飾主過


負國負君莫此為甚是疏出而談舊相時事者又不可止矣

牛應元姚思仁為大理左右少卿

壬辰巡按陝西御史王基洪劾稅監梁永陳兵殺傷吏民而巡撫顧其志奏至平臺不言殺掠梁永反以藉口上益疑

言者矣

甲午應天府尹徐申為南太常卿



甲午^酉應天府尹左庶子周如砥為祭酒

朱賡上選庶吉士定制

戊戌東華德勝二門圯

己亥時傳採川貴湖廣大木撫治鄖陽黃紀賢言採木之累不報

朱賡以京師大水引咎請補大僚選科道起廢官罷權使賑民困閔商困上命補大僚俟另旨其救災發粟平糶疏渠即行之

壬寅皇木廠大水通州損漕船二十三失糧八千三百餘石

大木漂盡

甲辰前巡撫寧夏晉應槐卒山西洪洞人丙辰進士

乙巳命戶部出太倉粟二十萬石平糶并發十萬金賑之命

工部浚渠疏水道

賑保定水災

丁未皇太子久不出閣吏科都給事中邵庶等請蒞學不報


前禮部尚書李長春卒字元輔昌順人隆慶戊辰進士

官編脩歷侍講右諭德進祭酒轉南工部右侍郎尋改禮部直日講己進尚書劑酌儲謀已致仕十五年嘗尋山有古洞

國權

萬歷三十五年

十三



鏡字如其名心異之改為玉華洞詩詞溫麗子胤祥亦有名
年六十予祭塋贈太子少保

張鷟曰老成人之用心也難言哉九愛君者必激于事求
濟國者兼祈有其名是以意不能獨伸勢亦不能兩得其
掣肘終在人國耳李先生當議建儲時即以其憤發江陵
陵者慷慨廷爭于先生何難願獨委蛇其說者誠有獨至
也及正名定位當其候而先生受辱名去乃竟怡然焉以
自老夫先生之志固已酬矣成事之効寧謂口舌能動人
主哉


前總督宣大兵部右侍郎鄭汝璧字邦章浙江縉雲人隆
慶戊辰進士授刑部主事歷郎中張居正才之調禮吏二部
及奪情起徵忤進太常少卿不數日降福建右叅政量移廣
東副使乞養十一年起四川井陘兵備斬虜功明年遷榆林
中路按察使明年山東右布政尋進右僉都御史巡撫山東
賑飢會憂去起南太常卿巡撫延綏屢卻虜進兵部右侍郎
總督宣大即疾作有才而功不甚著所著有帝皇后紀略諸
王表功臣封謚考行世

辛亥夜月掩畢宿大星

國權

萬曆三十五年

十四



壬子陝西稅監梁永奏秦人劫貢委罪咸陽知縣滿朝薦承
御史意伏兵渭南劫之先巡撫按王基洪疏至述兵事適合
上怒命逮朝薦

甲寅先是交峒酋長武德武與雲南臨安三峒長官司相隣
遂募衆分布于南丹藤江間擅改弘定元年偽安南都將節
制內外水步諸營事度劉邊脩巡撫陳用賓集分兵三道大
敗之斬百四十餘級復八寨故地

乙卯松潘茂州汶縣等地震

丙辰陝西參將王大年下臺訊參將劉泗梁富國提兵

鄧鳳游擊劉國楨等俱落職巡按王基洪論其貪墨之

丁巳遷展吉士錢龍錫林欲楫姚宗文丁紹軾成基命李光

先韓日纘麻僖傳振高李標張廣潘潤民李胤祥楊道寅唐


大章楊嘉運徐養量

丙辰巡撫貴州兵部尚書郭子章疾去

戊午黃汝良憂去

庚申夜彗見東井二尺餘

採木限四川二萬四千六百一直四百萬餘金限貴州萬二
千二百九十八直一百九萬七千餘金



八月辛酉朔閣臣推講官禮部右侍郎楊道賓詹事蕭雲舉少

詹事王圖南祭酒劉日寧需命未下

壬戌巡撫山東黃克纘進兵部右侍郎

癸亥喻安性胡應台劉文炳王紹徽顧士奇張鳳彩周永春

張延登劉一燿張國儒彭惟成何士晉范世濟李瑾黃趙龍

鄧雲霄晏大輝高節俱為給事中起龍下俱南京呂圖南黃

一騰劉養喬熊廷弼王象恒陳于廷穆天顏房壯麗侯執蒲

吳亮劉光復鄧漢李樾張時弼王國楨顧慥朱萬春何大謙

馮嘉會彭端吾陸夢祖金明時張五典梁州序董紹舒管橘

張爾基毛堪楊一柱王以寧畢懋康韓浚顏思忠鄭維芳曾

同升史記事劉國縉徐鑒劉蔚傅宗臯汪懷德張邦俊周達

曾陳易王露張養俱試御史宗臯下俱南京先吏部推踰二

年始下仍調汪若霖吳正志外任汪元功黃汝亨黃一鵬各


鑄一級調外

辛未撫督陝西徐三畏秩滿進太子太保

甲戌西安府地震

丁丑夜彗歷于房

壬午夜彗自房歷于心



乙酉撫諭東路屬夷白洪太等

丁亥鎮守雲南黔國公沐昌祚進少保

戊子福建泉州颶風大作折屋


己丑巡撫四川喬璧星以安堯臣冒鎮雄土知府欲兵之未
賡謂時事孔艱用兵非計御史李時華李應魁等俱如之工
科右給事中王元雅以机事流傳恐為安堯臣笑遂禁各衙
門妄傳章奏命釋永寧土婦奢世續并赦閻宗傳等罪訪求
隴氏子孫為鎮雄後令安疆臣約束堯臣歸本土司聽遙授
職不許冒隴氏

江西布政司右叅政姜士昌賚表入京奏別遺奸錄遺逸遺
奸指王錫爵朱賡沈一貫又曰古今稱廉相必稱唐楊綰杜
黃裳然二賢皆推賢好士惟恐不及而王安石用之驅逐諸
賢竟禍宋其意蓋規李庭機也
虜犯遼東寧遠前衛

九月辛卯朔朱賡李庭機疏辨降姜士昌廣西僉事

癸巳以閻宗傳降隴澄告退命四川撤兵從貴州巡撫郭子
章議也

琉球餽封使夏子陽王士楨黃金各六十各卻之琉璃弱小



勉承朝命時封使往多賫舶貨責其倍售至徹妃嬪簪珥應
之

壬辰巡按直隸御史李雲鵠私第火失上江勅書命補給

甲午叙嘉峪鎮番功賞賚有差

協守定邊副總兵王威為鎮威將軍總兵官鎮守延綏提督
狼山等處副總兵萬邦字為總兵官鎮守福建協守松潘副
總兵孔憲卿為總兵官鎮守廣東

諭停刑


丙申前兵部右侍郎臧惟一卒字 山東諸城人嘉靖乙

丑進士令宿松太湖擢戶部主事歷令官多引大體退為德
于鄉年 十 予祭葬贈南工部尚書子爾勸爾令俱進士
丁酉右諭德兼侍講林堯俞史繼偕主武試
巳亥領南前軍都督府靈璧侯湯之誥卒 人初授勳衛
稱儒雅既紹爵居官以嚴整稱日侍母終養不出時入賀卒
年四十三士論惜之

戶部發粟五萬石薊鎮平糶

癸卯王錫爵辭新命不允

甲寅南兵部郎中劉宇降山西按察司經歷以濫舉妖獄也



十月庚申朔西安府天鳴

丙寅中書科被盜

丁卯巡撫山西李景元進右副都御史

例給延綏寧夏各酋子冠帶


陝西咸寧長安天鳴地震

己巳光祿寺卿

言寺丞徐必達牒稱九月同巡視戶科給事中江灝悉傾見銀尚欠各價九千金寺額辦銀二十四萬有奇主戶部錢鈔工部油紅上林苑監子粒共二十四萬有奇額派粳米六萬一千石有奇 祖宗時非多 皇上

時非乏也萬歷四年以前費止十二萬有奇五六年來漸增二萬七八年又增二萬今至二十四萬或二十五萬帑安得不乏也萬歷二十五年以前歲收米三萬三千四百餘石盡改折今歲倍二萬餘石庾安得不匱也臣請無名之供養內外臣工之酒飯御前之取討新添喪禮之糜糜費有當裁者謹列陳以備採擇

壬申巡按直隸御史宋燾論救姜士昌語刺李庭機庭機奏辨 上以燾賄囑謫燾平定州判官加謫姜士昌興安典史癸酉蠲減山東郡縣災租有差



丙子朱賡一品考滿進少保改吏部尚書文華殿大學士
中書舍人

丁丑命畿內六郡災民發德通二倉粟各五萬石平糶

已卯南行人司署火

是日子正刻立春陝西按察僉事路士登以授時歷推之

宜戊寅亥初刻差一日作戊申立春考証

云一邢雲路

癸未福王長子由菴生藩例五歲請名至是特百石賜名

十一月壬辰山西寧武副總兵王邦佐為平寇將軍總兵官鎮

守甘肅

癸巳戶部左侍郎楊時喬援何孟夏例自乞改南京不許

辛丑大學士葉向高召入朝李庭機次之于慎行亦至以疾

未入直

肅王紳堯進馬五十匹

壬寅前南戶部尚書王基卒字


山東益都人嘉靖乙丑

進士授戶部主事出為兩淮運司同知久之守大同時代王

有謀殺世子獄餽囊珠立斥之歷都御史巡撫大同轉兵部

右侍郎至今官

甲辰詹事蕭雲舉少詹事王圖教習庶吉士



裁竹谿郎西莞糧主簿

乙巳于慎行力疾赴朝請暫假調攝許之

丙午日赤無光

已酉海盜犯朝鮮執之為華人李昞請命刑部議生致京師
修之報可

減濟南兗州東昌馬價十之九

戶科給事中江灝劾福建稅監高宗不報初福建左布政范
涑春夏稅額案左右失權乘涑入覲而巡撫徐學聚候代
遂疏詆涑及學聚請自按月徵解 上命有司類徵如故

辛亥立景命殿于

潮縣永樂里以 聖母生地也

壬子金沙夷阿克鄭舉等破直隸武定殺指揮金守仁千戶

梅應時黃桂王應爵金榮等阿克即故武定土官鳳朝文孽

孫也嘉靖間屢叛討平改武定州流官其部人鄭舉恨和曲


知州黃榜欲死之謀阿克起兵復故地阿克豪有力與馬一

龍化龍訟黃榜將執之逃去榜署祿勸州印私增田租州人

思亂知府陳典知其謀携印赴省城阿克乘之陷武定渡金

沙江長驅鄭舉劫推官白明通至省城大焚掠民舍索武定

印甚急巡撫陳用賓倉卒徵兵未至權予印左布政使福清



薛夢雷爭之強吾僂力固守援兵且集賊柰我何即不能守
死正也何計其他又布政使 進曰事急矣毋以妄言撓
遂予印而退偽立阿克為土知府 朝鮮言倭求和猶前源家康所尋盟之詞也兵部謂其狡難
時不許

乙卯遣行人趣王錫爵入朝

戊午巡撫福建徐學聚劾稅監高寀不法內云三十二年令
奸商往販和蘭勾紅夷詐帛麻郎銀三萬許以彭湖通市臣
奉旨拒逐今臣且歸紅夷又至殺僂商漁漸窺內地是誰啟

之乎云々

十二月癸亥命覈隴氏存絕並覆安堯臣功狀

兵科都給事中宋一韓議改鎮雄府流官


丁卯刑部右侍郎沈季文請重囚病故非梟首者不必僂屍
從之

命戶部治壽寧公主婚禮金珠直十九萬有奇

甲戌禮部左侍郎陳道賓議舉謚典于是禮科都給事中邵

庶等言前謚或應奪或應改或應補章下禮部

韓光裕張孔教胡嘉棟杜士全段然劉時俊為給事中然時



後南京王孟震唐世濟耿鳴雷蘇惟霖馬夢禎楊師程劉蘭
蔣貴為試御史蘭貴南京

辛未司禮太監陳矩卒矩在事簡約立忠清祠

壬申太子少保大學士于慎行卒字無垢山東阿人隆慶
戊辰進士官編脩歷脩撰侍講己卯引告癸未起左諭德轉
侍講學士禮部右侍郎己丑長尚書屢請立儲忤去十四年
召領詹事府不至及入相疾甚在詞林夙有聲多識故事沉
深勁拔不為町畦忤張君正引去君正敗貽邱侍郎樞書存
恤天下稱之予祭葬贈太子太保謚中書舍人謚文定

伍袁萃曰東阿醇德懿行蔚為名臣爰立命下人無間言
然見朝之日扶掖而行為言官所糾數日而沒國家固當
倚任老成大臣亦當自度進退公老矣且病此出獨不出
已乎

罷浙直織造太監孫隆以劉成代之

阿克陷元謀知縣毛文彩遁攻羅次祿勸尋甸殺祿豐知縣
蘇夢暘


丙子陷高明州殺吏目常宗孝學正龍旌

壬午延綏寧夏虜酋補進馬匹乞襲秩從之

國權

萬歷三十五年

二十三



巡按遼東御史蕭淳言六事其一曰建州部

聯部夷煖鬼伯締婚于忽刺温借糧朝鮮聲勢叵測誠購那林孛羅與合兵仍發五路以遏西夷協薊兵以雄內地諭朝鮮以防外逸内外夾攻如昔年剿仰逞二奴事亦消患之策也


金吾衛指揮樂綱許奏稅監梁永力言滿朝薦之枉蓋綱本永之私人助虐慮永敗及禍故為脫計上不問

丙戌蠲清河海州宿遷桃源安東蓋城邳州山陽蕭縣碭山沛縣徐州豐縣馬價十之六

丁亥交夷七百餘人自龍門港犯欽州陷之殺學正李嘉諭明日遁初莫氏黨翁富以四千人借居新凜峒設場糴米交夷武永賴等屢入犯是年飢以千人登城把總周舉龍門哨官龍起鳳俱不援踰月復入犯官兵祝國泰敗沒偵有備野掠而去知府涂巍都指揮劉中漢趙應科及總督戴燿等各被劾

瓊州黎賊劫萬州陵水縣

山西馬邑地震



國權

萬歷三十六年戊申

正月己丑朔 上不朝


乙未吏科給事中姚士慎上四事
渙俞音以昭大信謹中旨
以絕偉竇正刑典以振紀綱
停營繕以蘇物力不報

巡撫雲南陳用賓令守備王之瑞等
攻賊直抵元謀敗之偽
總管鄭舉乘官兵未集進攻羅次
知縣熊尚謨拒卻之攻祿
豐又陷元謀嵩縣官兵進復武定
祿豐賊遁遺金餌兵又棄

國權

萬歷三十六年

國家圖書館, NATIONAL CENTRAL LIBRARY, TAIWAN, R.O.C.



印于地我兵爭印啟篋無有也阿克走東川為土酋兄弟所

獲

丙申四川地震聲如雷

甲辰許班白洪大二酋仍貢市

丙午謚鄭府東垣王翊鑑恭懿

工部主事范汝梓言 皇上自靜攝以來經筵竟廢今并令

皇太子講學而廢之後聞東宮侍衛有詣政府促令上請者

此何事而令瑣侍衛急之在 皇上固非自為作述記而

在輔臣亦非所以為 皇上計也不報

辛未吏部左侍郎楊時喬請定六科內補外補正推閣推一

遵舊制以息兢端從之

壬子司禮太監成敬同兵部閱視京營

丙辰安南賊復侵廣東欽州百戶孔榕把總祝國泰等死之


虜犯甘肅官兵先後斬一百四十五級

二月戊午朔故吏部右侍郎何孟春贈工部尚書孟春先閑住

已復秩至是吏部言之

增吏部司官一專筦冊庫

已未夜南京見壽星在丙位



壬戌工部右侍郎劉元霖言先河決蘇庄今浚朱旺口成叙
諸臣勞部以少浮俟酌議

癸亥提兵柴國柱為平羗將軍鎮守甘肅王邦佐鎮守陝西
互易之

甲子予改廣東提兵官左都督陳璘祭塋

乙丑兵部覆巡撫雲南陳用賓請討叛夷阿克


京師昌平地震

己巳進兩廣提督戴耀太子少保廣西巡撫楊芳右都御史
壬申忻城伯趙世卿領南前軍都督府

三月戊子朔亭夏天鼓鳴

雲南布政司左叅政楊俊臣按察副使羅希益率都司汪如
淵叅議康夢相僉事龔雲致率叅將張名世左布政彭應時
率游擊裴希度分三道進兵擊賊


兵部覆貴州候代巡撫郭子章以土舍安堯臣獻印追還鎮
雄當歸貴陽惟是堯臣幼繼隴姓已離水西鎮雄固其巢穴
彼原隨把目十年生聚一日飄搖不能無慮撫臣宜諭安疆
臣念在手足分割一隅今堯臣率眾安居毋致兩失所依則
終聖恩而消隱禍也從之



丁酉禮部言把兒干都司統衛所二百有四城面城站五十
八其酋長自都督以至鎮撫貢市自開原入京歲十月驗放
入關如次年正月不至邊臣邊臣例奏請定奪自萬歷三十
二年六月自建州海西入貢至三十五年並不近遼東撫
鎮題 不肯入市既併毛憐等衛取勅印又併海內
南關首目若卜占吉若猛骨孛羅等衛而有之雖婚姻不顧
惟北關若那林孛羅與弟金台失竭力死守苟延旦夕又聞
其飾名姝捐重粧以結北虜且開原止市馬不市參乃強載
參斤倍勒高價更聞 與弟速 多智習兵信

賞必罰妄自尊大其志不小聞精兵三萬有奇而遼東戰兵
不滿八千思之可為寒心今即未問罪宜詰所以違貢者何
故如桀鷲負固則暴罪草賞

陳繼儒曰遼地南臨大海西起榆關東抵鎮江延袤二千
三百餘里虜酋止以百計子孫部落以數十萬計且前屯
者為賴蟒等直寧遼者為獐兔拱兔等直廣寧者為小歹
青以兒鄧黃台吉等折而西北則虎慙兔慙為虜王而東
西部皆屬之北則煖赤伯言他不能等折而東北則卜言
顧等又折而東則炒化等此河西三面虜也踰三岔河東




則額伯草打大威等直海州西字兒敗伯言等直遼瀋西
煖鬼宰賽等直開原西而北則惚恍大等東北則北關東
則南關遼瀋之東則速等此河東三面虜也西環繞
如處重圍而三岔河斷遼為二虜又插入其內據心腹而
居之蓋無地非虜焉而又無重關峻嶺為之限隔朝入則
朝獲夕入則夕獲蓋無時非虜焉大抵馭虜之法日合日
離則其黨可攜合則其焰難扑而建酋之合有二東則
虞其與北關合也西則虞其與西虜合也虜無所不合則
我兵無所不分而全遼之累卵可知也今建酋甚強惟有

決戰而用間謀以連衡宰賽遣重兵以擁護北關則東合
者可離也北關既梗則建州不得越北關而西虜亦不
得越北關而東伐往來之陰謀破自連之黨與則西合者
又可離也此禦建州之定局也

戊戌兵部議立鎮雄土司下撫按訪其的裔

唐大章曰鎮雄固巴蜀一土司耳即欲為隴氏繼絕彼自
有得為隴後者非甚難乎處置也所難者在安堯臣之竄
入耳令土婦代攝之初當事者急廉其後而請立之堯臣
安得而安心願乃開門而揖之入幾釀大衅煩我有後獨



水西強饒十倍鎮雄而家難可乘大欲有屬堯臣雖意在隴而猶不厭于隴者故我得招之使去耳夫安去而隴存宜無難處或云隴無嫡派不若設流官而郡縣之夫播州不法顯受殲夷且有諫此舉為輕發者隴無罪而裂其土地岷其宗祀帝王興滅繼絕之義當不若是則世世為守土之臣哉忍一隴而携諸夷之心其若後患何然則以隴立隴可立矣立隴其易處者也

庚子兵部主事葉世英以東夷漸熾可虞議增兵曰西兵可募土者可招官舍可增議增餉曰復邊輸以實塞土通錢法

以濟軍儲查新官以責協濟贖改成以便民情復標益以鼓


樂輸

癸卯雲南叅將張名世伺鄭舉等以二千餘人從阿克劫營預伏以待夜賊果至大破之斬阿克九三百十二級益搜捕其黨先後共斬六千一百餘級鄭舉逃東川

戊申誅劇寇安南新安州首長潘都該

乙卯巡撫雲南陳用賓摠兵黔國公沐睿奪俸尋免用賓以阿克失事也

設邊曰阿克寇省下沐睿登城賊望麾蓋羅拜則懾于世



威雖逆豎稱戈猶未敢逆視也當時堅堞以守坐待援師
計之上也撫鎮俱魄奪欲印則印假更求其上求陳典之
首亦將假斬頭以予之乎堂。撫鎮彈壓數千里而見侮
小醜承其涕唾如恐不及其為遠夷所笑甚乎哉

京師大風霾

戶部請撤稅監安遠陽不報

四月丁巳朔大風霾

戊辰發臨清德州二倉粟各萬石煮粥賑山東

庚午改設西寧副提兵

辛未命順天尹禱雨

已卯朝鮮陪臣報國王李昰薨次子光海君瑋嗣母金氏請
封 上命國人詳議臨海君何廢光海君何立具以聞
起劉綎雲南討賊提兵官


壬午海西虜銀定歹青入犯提兵柴國柱先後擊斬百六十
二級

貴州黃平安撫司使羅袍改土州同知安撫同知楊位副使
楊開運改土州判官重安司長官張體乾副長官馮國瑞俱
改土吏目莫塘甕水二安撫司宋世孝猶國柱俱改甕安縣

國權

萬曆三十六年

七



土縣丞餘慶長官司毛守爵改餘慶縣土縣丞白泥副長官
司楊鯨改餘慶縣土主簿

五月丙戌禮部主事鄭振先劾朱賡李庭機等大罪十二又摘
庭機禮部時私遣序班李維葵往款建州衛致二年不貢其
遣諭建州亦經會議非私也 上以誣詆謫普州判官并以
前工部主事范汝梓謫永寧州判官

沈德符曰禮部郎論山陰十二大罪其事之裝飾不足言
至謂礦稅棍徒皆得家人所得禦人之貨盡歸朱私案此
則舉朝所不信而又指其私師晉江且暗摘其門生詞林

林以杜後日大拜此又自有人指授然亦不怨矣戊申以
後新咨命下瓦在亂鳴攻太倉晉江未已而攻崑山攻湘
潭者四起不惟聖主厭聞而邸抄俱以資席間談柄矣


戊子京師雨雹

鑄益府延寧王印

己丑兵部言朝鮮鴨綠江為西

豆滿江北為忽刺溫

沿江則藩胡專報聲息自兩酋締婚忽刺溫侵及諸胡并之
且勿侵及忽刺溫 忽之間有迴波部落業折于入 目中
寧有朝鮮哉望勅朝鮮飭備宣諭 各守界毋擾從之



丙午謚韓府長樂王謨封榮安周府京山王在銖昭憲厚武
王朝增溫穆代府潞城王廷福恭恪德府紀城王常澍溫裕
府咸平王載塔溫順俱賜勅

丁未予故甘肅總兵官太子太傅左都督達雲祭葬

庚戌封藩府安慶王珪垣德平王理雖德府廣宗王由楨咸
平王常黎趙府洛川王由弼益府延寧王由楫豐城王常澍
甲寅閣臣言稅監高淮激變山海關致衆千人攻圍淮急劫
管關兵部主事通判逃回請罪之

巡撫浙江甘士价為大理卿雲南左布政使薛夢雷為巡撫

雲南右副都御史南通政使張鳴岡為南兵部右侍郎右春
坊右諭德林堯俞為南祭酒

乙卯劉蓋臣嗣誠意伯

浙直大雨水壞麥禾廬舍亡美南京永入皇城福州饑

設遷曰戊申大潦在浙嘉湖為甚民流而不殫撫按告災
朝廷蠲折有差而是秋頗登明年夏初吾縣亦賑升斗之
惠沾及踰歲脫飢民果待此其索我枯魚之肆乎

六月丙辰朔兵科都給事中宋一韓請追勘先年棄寬奠六城


致

殘糧章下所司

國權

萬歷三十六年

九



戊午設貴州貴定縣

庚申遼東稅監高淮誣劾

同知王邦才叅將李獲陽劫

稅命逮之

甲子奪兩廣總督戴燿功賞以太僕少卿申用懋言其失事

也

浙江左布政使王一乾為應天府尹

戊辰夜火星逆行入女宿

己巳巡撫南贛汀漳朱汝華為戶部左侍郎

辛未望夜月食

暑讞法司請釋輕囚三十餘人久不報

甲戌遼東總兵官寧遠伯李成梁罷

丙子前工部尚書姚繼可卒字 湖廣襄城人嘉靖乙丑

進士知南陵奏報拜御史巡直隸因陳邊務拂當事左遷歷


右副都御史巡撫陝西累長工部致仕居官凡五十年宣勞

盡瘁未嘗少玷予祭葬贈太子少保

己卯夜月犯畢宿

謚周府曲江王勤燿端靖

設貴州太平代守備



雲南官兵擒鳳恩弟阿克鄭舉安在云三月十七日敗走
問前所斬首非克乎云嘗飾年貌似阿克者二三人防不測
今當往東川也于是檄東川首祿壽祿哲獻賊否且問罪祿
氏期厚購果縛獻焉
設廣東欽州守備官罷交夷互市

七月乙酉朔大理左少卿牛應元為右僉都御史巡撫南贛汀
漳右通政王永光為右僉都御史巡撫浙江起前右副都御
史張悌巡撫遼東南太常卿徐申為南通政使前右副都御
史黃汝訓為南刑部右侍郎

摠督薊遼蹇達請撤稅使高淮命召淮下司禮監其福陽
及遼東額稅令督理通灣稅務兼攝

禮部右侍郎楊道賓請恤南京水災報可

丙戌前摠督薊遼兵部尚書兼右都御史蹇達卒字汝上四
川重慶人嘉靖進士令頴上祥符進禮部主事歷今官年六
十七予祭葬贈少保


辛卯薊鎮摠兵官署都督僉事杜松為征虜前將軍摠兵官
鎮守遼東

摠督倉場戶部右侍郎游應乾卒字順之安徽婺源人嘉靖

國權

萬曆三十六年

十一



乙丑進士

壬辰予故巡撫延綏何東序祭葬字

四川犍氏人嘉靖

癸丑進士歷戶部郎中出知徽州毫髮不淄移衢州上聖駕

大閱詩進副右都御史母喪廬墓三年忤高拱家居四十餘

年所著益智兵書百卷多出人意表九愚山房集佐右集行

于世

丁酉京師地震

己亥前廣東按察使僉志管志道卒字登之江南太倉人隆

慶辛未進士授南兵部主事夏去丁丑上張居正書規其奪

情補刑部主事戊寅春婚大禮成言九事秋進員外出為廣

東僉事分巡南韶被劾降益課司提舉察免尋復秩致仕年

七十二

庚子予故兵部左侍郎詹榮祭葬

癸卯賜楚王華奎書院額曰崇德

山西總兵官都督僉事馬棟調薊州永平山海總兵官兼備

倭總兵

己酉宣府副總兵署都督僉事王尚忠為總兵官鎮守山西


庚戌前南右都御史謝鵬舉卒字

蒲圻人嘉靖癸丑進

國權

萬歷三十六年

十一



士授戶部主事累至今官年九十三予祭塋

癸丑畿郡地震

甲寅太僕少卿張養志為寺卿

薊虜煖鬼等屢挾賞以千騎犯界嶺石杜松亟擊之追斬二
十二級

八月戊午南太僕卿王國為南太常卿

己未太常少卿項應祥為右通政


刑部右侍郎沈應文為刑部尚書巡撫應天周孔教為右副
都御史總理河道巡撫保定孫瑞改總督倉場

辛酉夜火星順行女宿

御史史學遷請補謚忠節直諫德業詩文理學諸臣

癸亥逮前巡撫雲南陳用賓總兵官沐啟臨沅參將都指揮
張名世祿勸知州王黃榜以黔國公沐昌祚奏武定尋甸失
事功罪 科給事中蕭近高宋一韓劾用賓予印冒功皆徵
下獄論死前左布政使薛夢雷免官

謝肇淞曰用賓在滇十六年其防西事最急至于建開堡
營屯田檄暹羅以分緬勢俾騰永之間帖席者二十餘年
功亦懋矣而變起肘腋倉皇失措遂至身名俱隕悲夫蓋




嘗竊論滇事若游居敬無罪而無功者也李材李先著罪
少而功多者也用賓功罪相當者也而皆身嬰縲紲或以
喪軀保事之難不其然乎
辛未四川右布政使周嘉謨為右副都御史巡撫雲南起前
右僉都御史趙燿巡撫保定起陳薦刑部右侍郎太常少卿
項應祥為右僉都御史提督糧儲兼巡撫應天
戊寅昏刻南京天鳴聲如流水
李庭機屢求去不允
庚辰南京復天鳴隆、有聲

巡撫遼東張悌疾不至

許浙直蠲賑及寬江西夙逋停饒州燒造

大田縣檢瑞穀其兩三穗徧畝

九月乙酉朔先是王錫爵辭召上密揭曰邸報中惡言詈語指
斥朝廷 皇上置而不理謂我之量大彼久當自止不知此
輩賣直沽名其意氣愈盛君父至尊必自立無過之地然後
令出惟行請幡然降旨盡除閔稅召還內臣仍散內庫之有
餘濟邊儲之不足天下必懽呼踴躍以頌聖德留中章奏亦
自有緩急如推補九卿各官以吏部都察院為急庶官以科



道為急先科道喜拾風聞故考選久停與其故裁抑留不肯
以塞賢者之塗孰若補疏通簡以決舊日之壅此臣私
論言路陰散狂黨為今日攬權最上策也揭出時謂導輕言
官于是南戶科給事中段然論王錫爵與朱賡密揭擅權亂
政不報

丙戌南太常卿唐鶴徵疾去

巡撫甘肅大同周盤霍鵬各加右副都御史


丁亥予故摠督倉場戶部右侍郎游應乾祭墓贈戶部尚書
應乾安徽婺源人嘉靖乙丑進士

甲午武定賊阿克鄭舉平

丙申湖廣左布政使胡桂芳為右副都御史巡撫貴州兼督
理湖北湖南川東軍務順天府丞李炳為右僉都御史巡撫
遼東起王象乾右都御史摠督薊遼保定起孫丕揚為吏部
尚書

甲辰摠督陝西三邊兵部尚書徐三畏卒字 亻直隸任邱
人萬歷丁丑進士令絳縣擢戶科給事中歷今官

摠督兩廣戴耀令摠兵官孔憲卿海南兵備副使蔡夢說征
交寇擒渠帥十二人斬千五百餘級



十月壬戌前吏部文選郎中顧憲成為南光祿少卿

丙寅工科給事中何士晉劾錦衣衛左都督王之楨為輔臣

水牙輔臣心腹亟宜顯斥不報

丁卯摠督兩廣軍務戴燿削籍

庚午刑科給事中張國儒言臺省五十餘人共糾朱賡奸狀

而尚書趙世卿曲媚之在 皇上大奮乾綱不報惟

丙子禮科給事中張鳳彩論王錫爵密揭宜寘其人斥其說

刑科都給事中蕭近高亦言之不報

庚辰許朝鮮李瑋嗣封

械阿克鄭舉邱相魯僕司堯鄭宗舜楊禮邱任魯鳳恩等鄭

國賢入京武定印終不可得改鑄去軍民字

銀定歹青犯寧夏廣武營巡撫黃嘉善檄兵援之摠兵蕭如

薰同署副摠兵都司馬允登鎮城游擊潘國採廣武營游擊


江應詔玉泉營游擊賀維楨合兵至井溝斬八十五級

十月丁丑河東犯虜甘肅屯昌寧官軍擊斬百十六級

御史黃吉士等議補謚先臣理學則曹端賀欽王時槐勲望

則張佳胤劉應節王用賓楊 魏時亮王世貞節義則余

懋學吳中行傅應楨周怡陸繁浦鉉劉魁孟陽清介則軒輓



王之誥段民朱鴻謨

乙酉故戶部尚書陳藻贈太子少保

甲午太僕少卿吳達可為南太僕卿

丙申夜月犯畢宿

巡撫河南沈季文致仕

戊申前太子少保戶部尚書畢鏘卒字廷鳴安徽石埭人嘉

靖甲辰進士除刑部主事歷南工吏部尚書改北戶部致仕

加太子少保三賜存問年九十二予祭塋贈太子太保天啟

初謚恭介

十二月甲寅朔葉向高請補閣員

乙卯建州等衛

札勤等貢賞如例

許江北蠲卹

己未夜大風直隸東安縣飄火星色白大如雞子狀如雨雪
着物不熟熱

辛酉前太子少保兵部尚書王世揚卒字 直隸廣平人

萬歷丁丑進士授行人拜御史進太僕少卿歷右僉都御史


巡撫宣府綏定屬夷縛史首獻俘請釋之累功至今官世錦

衣衛百戶予祭塋贈太子太保

國權

萬歷三十六年

十七




沈確曰公嘗媿、史首事使稍依、與當事者意首且、
諸附麗皆得顯官而公不慮不為首功、然豈以易西北、
十年救帖公艮于趾、門人送巡勞苦公、顧曰子勞我良、
厚今小民寧楫櫓耶、朝剝一穽焉、莫剝一穽焉、幹與凡何、
已泣然泣嗚呼公所


甲子工部尚書李化龍請閱邊、命御史熊廷弼、黃吉士、孔貞、
一吳亮、劉光復、楊一桂、穆天顏、侯執蒲、分往、
琉球入貢


壬申故檢討陳獻章謚文恭、布衣胡居仁謚文敬

乙亥先是虜來、暈大台吉犯薊、鎮河流口、大掠而去、復糾遼、
虜、揀漢兒台吉等入寇、連山駙總督王象乾、巡撫劉四科等、
請杜松搗東虜之巢、牽其內、願出中佐所之長嶺、山夜至、
哈兒鬼襲拱兔營、斬二百四十六級、復寧遠、兵備副使馬拯、
謂拱兔乃款夷也、巡撫熊廷弼以聞、
虜寇錦州、陷大靖屯、叅將王寵戰沒、
己卯靖江王任昌薨、憲定王長子履祥、天履祥庶子玉哥、幼、
弟履祐、閉之深宮、自攝府事




國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.








國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.



3393430 v.47

國家圖書館, NATIONAL CENTRAL LIBRARY, TAIWAN, R.O.C.



國權

萬歷三十七年巳酉

正月甲申朔 上不朝順天尹進春

丑刻 永昌府地震連旬

乙酉外戚李誠銘嗣武清伯特恩不為例

巳丑享太廟



庚寅先是河流口之失各屬夷伯牙滿旦屠記等皆踵賴兒

蟒之後率部夷脅賞而賴蟒復糾東虜黃台吉欲犯喜峰口

國權 萬歷三十七年

國家圖書館, NATIONAL CENTRAL LIBRARY, TAIWAN, R.O.C.

監官設邊孺木著



總督王象乾議賴蟒其父長昂皆宣鎮款虜白洪大之婿長昂妻皆在宣鎮市賞其類在薊有貢賞有撫賞有木市馬市之賞計不下萬金薊賞停草止論而躡于近郊賞于兩鎮非計宜併草之嚴諭西虜毋西行宣虜毋助逆以孤賴蟒之勢上然之

壬辰王象乾調薊鎮總兵官王國棟以黑峪口夷丁適鬼兒山晨炊清河人悞謂虜也爭入安定德勝門重城晝閉司禮太監成敬曰此必訛也果警兵部置塘報上始安葉向高請補兵部戎政兩侍郎不報


慶王府火

壬子都察院照磨郭良翰陳時政闕失不報
貴州仲夷阿牙等作亂定番金筑間多殺掠
周府博平王在詢糾論諸宗不法章下禮部
李化龍仍少保兵部尚書還部總督漕運李三才進戶部尚書兼左副都御史高舉于若瀛俱為右僉都御史巡撫浙江

陝西

二月甲寅吏部郎中胡國樞被論調南京

建州衛來夷來朝有火哈等二人上書語甚謾略曰故地九



百餘里新立碑為據遼東六萬餘人俱逃避徭役蓋欲沮勘地于是御史房壯麗馮嘉會等益追劾李庭機遣使召侮也乙卯故朝鮮國王李昞謚昭敬命行人熊化封李暉朝鮮國王及妃柳氏

戊午魏國公徐弘基領南右軍都督府

己未兵科左給事中王元翰請遼撫檄諭

往市貢

止許三百餘人近建州海西諸夷闖入一千五百餘人

夜白氣如匹練自氏入太微垣歷于井

癸亥巡撫順天劉四科進兵部尚書


有狂人披髮入寶定門稱聖號執之

故襄城伯李成功贈少保

甲子吏科給事中劉道隆拜疏去不問

乙丑閣臣上講章及東宮就學不報

丙寅御史鄭繼芳劾工科左給事中王元翰貪婪不汝受贓數十萬巡厰庫乾沒無筭元翰奏辨為王錫爵申時行吐氣竟不奉命而去初戶科給事中王紹徽善湯賓尹營爰立其急嘗語元翰曰公語言妙天下即一札陽湯君湯君且為公死世間如湯君可恃也元翰辭焉紹徽銜之因嗾鄭繼芳撼



元翰

丁卯冊壽公主駙馬都尉冉興讓尚之

戊辰左諭德顧天峻李騰芳等各自去南史科給事中段然
追論沈一貫王錫爵朱賡以及天峻騰芳乞與同譴 劉

時俊復論騰芳俱不報時臺省之勢重有宣城崑山二黨宣城則湯賓尹崑山則顧天峻也天峻高亢自得賓尹淫污無行云

庚午署吏部左侍郎楊時喬卒字 江西上饒人嘉靖乙

丑進士授工部主事予告補禮部改尚寶司丞又予告歷太

僕太常卿南通政使至今官佐銓五年司兩計謝絕私交予

祭葬贈吏部尚書謚端潔 人言無聞

辛未禮部左侍郎楊道賓卒字 江西晉江人萬歷丙戌

進士官編脩歷司業祭酒至今官溫良端亮正人倚重予祭

葬贈禮部尚書謚文恪

甲戌鳳阿克等入京以小醜不獻俘


免江西三十六年後魚課

戊寅廣西提兵官黃岡為左軍都督府僉書寧晉伯劉天錫

為前軍都督府僉書

國權 萬歷三十七年

四



庚辰蕭雲舉改吏部右侍郎吳道南為禮部右侍郎俱兼侍讀學士

辛巳巡按遼東御史熊廷弼奏前巡撫趙楫總兵李成梁等棄寬奠六城堡地延袤八百里概行逃民為韓宗功者六萬四千餘眾

既得地立碑開原云爾中國我外國兩眾一家等語又歲犒之五百金宜卹碑還地而事在兵部督

鎮非臣敢預也 上不報


陝西總兵官孫仁于青羊永樂城值虜斬十級

北虜犯寧夏以陝西巡撫楊時寧總兵杜桐禦之斬一百有

二級副總兵馬孔英斬百五十級游擊馬躍龍斬六十一級
中軍江廷輔斬三十七級平虜叅將鄧鳳斬二百五十四
級玉泉營游擊崔張名斬二十九級大垣守備石棟斬十五
級廣武營游擊李永芳斬二十七級中衛叅將蕭如蕙斬三
十四級套虜尋入犯河東靈州叅將吳宗堯斬十四級興武
營游擊高廷梧斬四十六級花馬池副總兵蕭韶成斬五十
級

寧夏新志

前祭酒陶望齡卒字周望浙江會稽人萬歷己丑狀元授編修至今官學守冲穆鄉戚沈一貫朱賡在相未始暱附妖事



起力脫鄂正域予祭墓贈

謚文簡

三月壬午朔虜銀定歹青犯寧夏中衛初邊夷拜彥兒密告警
叅將賀世勳猶弗備被其殺掠既犯廣武游擊潘國振江應
詔賀繼禎合拒之斬八十二級

甲申巡按遼東御史熊廷弼極言邊左危急請亟命兵部議
軍務

丙戌湖廣武昌火

工科右給事中王元翰拜疏去

丁亥北虜忠順夫人率部眾補去年貢五路台吉補貢二年

丁丑提兵官杜松知東虜忽哈流鬼之提亟勒全賞兵部奏
許之

廣寅前巡撫廣西兵部右侍郎楊芳卒字

四川巴縣人

萬歷丁丑進士

辛卯虜拱兔犯錦昌堡犯錦州各戕我兵數十人陷大勝堡
蓋素款于我見剿小歹青激誘之以五千騎深入小凌河二
十里游擊于守忠戰敗失亡千餘人


壬辰西寧生番入邊盜馬守恪李希梅追之見殺

戊戌南京守備撫寧侯朱繼勳疾去

國權

萬歷三十七年

六



庚子謚衡府平度王翊鏃恭懿

南祭酒林堯俞罷

辛丑申刻金星見未伍

仲苗劫貴州甕坑忽雹如拳斃四人歸州大雨水壞民舍人

畜亡美

總督河道工部尚書曾時聘卒字

四川獲鹿人隆慶辛

未進士

壬寅安堯臣龍水西宣慰使

癸卯詹事王圖為禮部右侍郎

平江伯陳啟嗣為前軍都督府僉書

丙午郭祚延嗣成安伯 邦相之子

丁未京城大風霾

申飭科場事宜

戊申內監請神器工部執爭中使至閣求如所擬葉向高封

還原奏

己酉前太子太保南刑部尚書趙參魯卒字 浙江鄞縣


人隆慶辛未進士官戶科給事中風裁甚著言事謫高安典

史稍遷饒州推官歷右副都御史巡撫福建有威惠冢宰闕

國權

萬曆三十七年

七



雖繫望以沈一貫同里引嫌不用年十予祭塋贈少保
謚端簡

辛亥臨洮總兵官孫仁為鎮西將軍鎮守延綏
倭入琉球擄國王尚寧


四月壬子朔先是臨洮總兵孫仁等剿火落赤火落赤比年西
回遁河北猶架橋河上構永真諸酋窺內地官兵追捕斬六
十餘級先後共百餘級
癸丑王錫爵九疏乞放不報
吏科都給事中陳治則拜疏去位

巳卯封鄭府常澤東垣王唐府器培永興王器圻永壽王德
府由保紀城王代府萬錦潞城王淮府翊銷金華王蜀府奉
鑄隆昌王周府朝勝邵陵王敏泥慶成王
倭犯浙江温州

五月壬午謚代府和川上萬鉉端簡

巡撫福建徐學聚報獲倭舟內二十七人俱日本人餘朝鮮
呂宋流人當待以不死

癸未前太僕寺卿連標卒字貞甫山西解州人萬歷丙戌進
士由庶吉士授江西道御史首請冊儲劾罷太常卿徐元春



歷按四川山東有能聲士寅進尚寶少卿癸卯進本司卿尋
轉太常少卿提督四夷館丙午太常卿仍提督四夷館年四
十五予祭葬

甲申成國公朱應槐領左軍都督府

乙酉福建興化府地震

丙戌割黃平州之重安司屬清平縣改重安司長官為清平
土縣丞土主簿以地近清平而于黃平險遠也

福建泉州地震

庚寅建昌土官安世隆為蒼頭那固所弑妻祿氏殺那固烏

蒙土知府祿成爵欲併之俾祿承令襲秩于是京山沈疇等

大掠

壬辰故太子太保王用賓贈少保

甲午總督陝西三邊軍務顧其志考滿進右都御史兼兵部
右侍郎

乙未山東歷城牛生犢二首二鼻三目

庚子延綏副總兵張承胤為鎮西將軍總兵官鎮守延綏


辛丑 金州天鳴地震

甲辰旌唐王碩燿周世子恭柎柘城王肅濠原武王長子在

國權

萬曆三十七年

九



錫湯陰王府奉國將軍載焯汝陽王府輔國中尉勤熊鎮平
王府鎮國中尉睦梁等賢孝各賜勅

福建寧洪水大發又大兩三日夜水入城溺人亡筭

乙巳刑部言熟審逾期不報

丁未誅滇賊鳳阿克鄭舉等

建州衛都督

遣子器骨奴以萬騎脩南關寨又勒

七千騎進屯廣順關犯靖安堡時那林孛羅新沒子金台失

嗣泰將曾文煥資以火器

聞之引還復搆西虜宰

賽煖兔等窺開原巡按御史熊廷弼請募兵屬械收宰賽以

檢校

丙寅卯刻月當食隱雲不見

已巳吏科都給事中久不補教官候憑者至七八百人或窮

死吏部請權宜給札閣臣持之請速補堂科不報

庚午領中軍都督府英國公張維賢改後軍都督府

壬申山西繁峙民李宜妻牛氏生二女連首分手足

虜以五千騎叩撫順關挾索參直


甲戌南通政使王國為兵部右侍郎巡撫保定山西左布政

使魏養蒙為右副都御史巡撫山西太僕少卿李思孝為右

國權

萬曆三十七年

十一



僉都御史巡撫河南

右諭德史繼偕右為南國子祭酒

余起元為南大理

寺丞

丁丑偕尚忠為左軍都督書僉

延綏虜猛克釋力等挾賞掠邊犯保寧之波羅叅將高繼光
擊斬二百五十餘級

七月庚辰朔遼東開原靖安慶雲堡各增戍五百人遼陽清河
堡瀋陽各增千人寧遠前衛量增二三千人給餉三十萬鎰
甲七千以巡撫熊廷弼言也

派其援

尋遵諭減車價還張其哈刺佃子故地廷

弼言舊鴉鵲關與橫江未歸徒以一山溝了局何益宜如前
議剪其翼而嚴為備

六月庚戌朔諭釋輕囚

辛亥南禮科給事中晏文輝請補南署卿貳時惟侍郎吏部
趙士登戶部趙欽湯兵部張鳴岡右僉都御史丁賓通政使
王國餘皆空署


壬子直隸豐潤地陷

甲寅禮部議宋儒羅從彥李侗從祀孔廟

國權

萬歷三十七年

十



乙卯更鑄武定府印并武定所百戶印及嵩明州鬼兒關巡檢司印各一

戊午命貴州改食淮鹽

己未永康侯徐文煇惠安伯張元善並卒

辛酉甘肅地震紅崖清水等堡壓軍民八百四十餘人壞邊

墩凡八百七十餘里又東關地震南山崩

甲子吏部尚書孫丕揚引疾求去不允

乙丑左諭德顧天峻謫行人司正李騰芳謫太常博士給事中陳治則謫國子典簿劉道隆謫戶部檢校王元翰謫刑部

昏刻有大星赤色自中天流至近濁有三小星隨之

癸未免杭湖嘉興馬價一萬九千餘金

乙酉日本對馬島酋玄蘇平景直等貽書朝鮮入貢朝鮮以

聞兵科給事中宗一韓議當事者便宜一札以折其謀

丁亥宋一韓上言建州衛強請購元兒虎荅聽北關金台失

歸宰賽合勢說虎慈兔慈檄朝鮮咸義州以北暗為應援不

報西


庚寅曾于汴為吏科都給事中

辛卯復瞿九思貢士初知縣張維翰激民變藉九思求解不

國權

萬曆三十七年

十一



得更謂鼓衆被斥 九思

壬辰太常少卿項應祥為右僉都御史巡撫應天辭不起

甲午右春坊右中允湯賓尹為左春坊左諭德署司業

丙申始增遼士解額五人

戊戌右都督杜桐為總兵官鎮守保定

庚子旌故四川按察副使藁城王綸 人正德丁丑進

士除刑部主事諫南巡幾死旌其閭曰顯忠

壬寅葉向高代李庭機求放不允

禮部主事劉元卿卒字 安成人隆慶庚午貢士倡學里

中給事中鄒元標薦之即家授國子博士召進主事乞歸所

著書多行世刑科給事中彭惟成請謚

八月己酉朔命刑部司官審決江南北關內外

寧夏副總兵凌應登以原官提督京城巡捕


辛亥刑部右侍郎陳薦改南京

壬子謚周府堵陽王胡璫恭懿

甲寅福州大雨閩縣烏石山崩

乙卯蔣益育趙用光為左右諭德

壽寧縣大雨水



丙寅布衣朱蘊奇卒陝西安人家貧僦居織網中為生從御史馮從吾受學一介不苟嘗一下獄四日不食黃冠竊官米粥之寧死不啜同舍生知其故周之始食士大夫高其節事母至孝長安知縣楊鶴等特構屋居之年五十一以苦節終當道閔之卹其家


辛酉夜月犯土星

乙丑禮部主事徐紹言中書舍人歸子顧為戶科給事中行人姚鏞潘珙刑部主事孟萬祥巫山知縣張惟任貴縣知縣容大德為御史

丁存問崇王翊鑄年七十

初山西宣大饑福建江西大水畿內山東徐州蝗河南陝西四川湖廣皆旱

是月京省主試順天左右諭德蔣孟育趙周光應天左右諭德何宗彥洗馬南師仲浙江編脩王黃國鼎刑科給事中周曰庠江西檢討戚以弘刑科給事中張國儒福建檢討雷思霈戶科給事中王紹徽湖廣編脩龔三益戶科給事中顧士琦河南吏部主事王宗賢兵部主事胡思仲山東刑科給事中彭惟城工部主事邵輔忠山西尚寶少卿魏可簡兵部主事



曾珍陝西吏部員外郎袁宗道兵部員外郎朱一馮四川戶部員外郎張之厚刑部主事王元雅廣東刑部主事鄔元會工部主事趙賢意廣西戶部主事劉仲斗行人邱懋熹雲南戶部主事朱之臣中書舍人李成名貴州大理評事邱雲肇行人陳伯友是月福建大雨水鄉試改十二日

九月己卯朔南京天鳴

癸未徐汝孝嗣興安伯 夢陽子

丙戌申飭遼東屯田巡按御史熊廷弼奏遼地可耕遼兵八萬以十三屯田歲可百二十萬石 上善之

辛卯南右都御史沈子木卒浙江歸 己未進士授

歷至今官 贈太子太保至弘光初

謚恭靖

神機營都督僉事姚德政為提兵官鎮守福建廣東副提兵鄧鍾元為提兵官鎮守貴州

倭至昌國衛叅將劉炳文不敢擊又不報遂掠温州之麥園

甲午擇惠王妃劉氏


丁酉故黔國公沐睿逮下獄旋卒

戊戌左副都御史詹沂拜疏去命冠帶閑住

國權

萬曆三十七年

十五



總督宣大馬鳴鑾考滿加右都御史兼兵部左侍郎

己亥祭酒周如砥自去命閑住

庚子遼東自總兵外原設左右二協西協今寧前也至是總

督王象乾增于開原曰東協改遼陽東協曰中協

乙巳套虜沙計犯神木蔡家溝叅政杜煥率兵誘之入伏獲

三十七人又虜入雙墩子踰月入阿堪堡

夜東北有大星青白色自上台流西北至近濁

丁未諭停刑

南京守備撫寧侯朱繼寧還至臨清失水卒于鈔關主事許

鼎臣稽行除名

南兵部尚書孫鑛罷

十虜犯寧夏遼東總兵杜桐追至吾刺苦素斬百二十八級

十月甲寅瞿九思授翰林待詔


乙卯霍邱王府輔國中尉廷臺詐為僧入京奏父鎮國中尉

充候為充聲毆死擊登聞鼓刑科給事中杜士全論其越閤

奏擾禮部閤其意與出城赴闕者有聞 上是之

丙辰右春坊右庶子翁正春為少詹事

丁巳先是南御史王霖言禮臣議謚浹歲未決署禮部右侍



郎吳道南言易名重典臣何敢徇但當詳核毋令滋疑故如
禮部尚書馮琦公論亡間噴有煩言謂辛丑試錄與外間不
同今現在御前乞發勘無二則疑跡明而謚典定矣

戊午朝日壇房火

命黔國公沐昌祚管攝鎮守

壬戌折湖州六七兩年白絹

十一月辛巳前摠督宣大兵部尚書楊時寧卒字一十河南祥

符人隆慶二年進士令曲沃擢吏部主事歷令官加太子太

傅子祭葬贈太保

甲申李錡襲襄城伯 承功子

丙戌曉火星犯氐宿

戊子前廣東布政使叅議胡仕化上所作大學註解正宗

癸巳誠意伯劉蓋臣為右軍都督府僉書

張慶臻嗣惠安伯 元善子

乙未協理京營少傅兵部尚書李汝卒字 直隸任邱人


嘉靖壬戌進士授授戶部主事歷右僉都御史巡撫陝西憂

去起兵部侍郎協理京營進尚書海套諸虜入犯出鎮逐虜

收松山之地累功再履錦衣千百戶年 十有 予祭葬贈

國權 萬曆三十七年

十七



太傅

丙申免應天屬縣災租

蠲賑畿南

丁酉順天府尹曲遷喬為通政使南光祿少卿許樂善為南

通政司太僕少卿徐民武為右僉都御史巡撫延綏

戊戌南右軍都督府僉書王鳴鶴為提兵官鎮守廣東

庚子裁遼陽都司僉書改設騎兵游擊

壬寅檢討張邦紀為右春坊右贊善

徐應坤嗣永康侯 文埶子

乙巳右春坊右庶子傅新德為太常少卿署祭酒

丁未英國公張維賢進少保

十二月壬子盜殺初授江南如臯知縣張藩于徐州

陝西提兵官王邦佐為南右軍都督府僉書

丁巳前少保邢玠為南兵部尚書

巡按遼東御史熊廷弼請補故吏科給事中賀欽謚

設遼東二路副總兵

戊午前兵部左侍郎李楨為南刑部尚書陝西布政司右叅

政許弘綱為左副都御史太常少卿田大益為右通政總督

國權

萬曆三十七年

大

